

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog Konkurentskog zahtjeva za dostavu ponude, broj: 05.12.100-3571-1/19 od 17.06.2019.godine, te Odluka o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo broj: 05.12.100-3571-Odluka o izboru/19 od 03.06.2019.godine, kojom je prihvaćena Ponuda ponuđača „FIXIT“ d.o.o. Sarajevo kao najbolje ocijenjena ponuda, za potrebe J.U. Zavod za javno zdravstvo Kantona Sarajevo, zaključuje se sljedeći:

UGOVOR

ZA JAVNU NABAVKU RAČUNARA I RAČUNARSKE OPREME

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Prof.dr.med.sci. Aida Pilav, direktor (u daljem tekstu: Ugovorni organ)

i

„FIXIT“ d.o.o. Sarajevo, ul. Zaima Šarca br. 34 Sarajevo, Identifikacioni broj: 4202048930006, koga zastupa Damjan Bandić direktor, (u daljem tekstu: Izvršilac), zaključili su:

I PREDMET UGOVORA

Član 1.

Predmet ovog Ugovora je nabavka robe - RAČUNARA I RAČUNARSKE OPREME za potrebe J.U. Zavoda za javno zdravstvo Kantona Sarajevo, a prema ponudi, broj: 290519/MC001-T, koja je sastavni dio Ugovora.

Član 2.

Ugovorni organ naručuje predmetnu robu, a Izvršilac prihvata da isporuči istu, a na osnovu provednog postupka javne nabavke putem konkurentskog postupka i Odluke Ugovornog organa o izboru najpovoljnijeg Ponuđača.

Član 3.

Ugovorni organ i Izvršilac su saglasni da Ugovor realizuju prema već definisanim uslovima u Obavještenju o javnoj nabavci putem Konkurentskog postupka (u daljem tekstu: Obavještenje) i prema tenderskoj dokumentaciji za ugovor o javnim robama (u daljem tekstu: Tenderska dokumentacija) i to:

- (1) Ugovorni organ prema zahtjevima u Obavještenju i Tenderskoj dokumentaciji
- (2) Izvršilac, prema dostavljenoj ponudi i dokumentaciji sa preciziranim ponuđenim uslovima u prijavi na konkurentski zahtjev.

II UGOVORENA CIJENA, OBRAČUN I NAČIN PLAĆANJA

Član 4.

(1) U obim roba iz člana 2. ovog Ugovora podrazumijeva se roba po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).

(2) Ukupna vrijednost Ugovora bez PDV-a iznosi 24.999,00 KM, a sa PDV-om 29.248,83 KM.

Član 5.

(1) Izvršilac se obavezuje da robu fakturiše istog dana kada je isporučio robu, na osnovu otpremnih dokumenata (otpremnica i sl.) potvrđenih od strane Ugovornog organa da je robu preuzeo.

(2) Izvršilac se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.

(3) Ugovorni organ će platiti fakturu za isporučenu robu u roku do 30 (trideset) dana od nastanka obaveze iz stava (1) ovog člana.

(4) Ugovorni organ neće preuzimati robu niti platiti fakturu ukoliko se iskaže razlika u količinama na fakturi, otpremnici i narudžbenici.

III ROK, MJESTO I NAČIN ISPORUKE ROBA

Član 6.

(1) Izvršilac se obavezuje dostaviti robu Ugovornom organu, propisanog kvaliteta, u roku od 15 (petnaest) dana od dana obostranog potpisivanja Ugovora.

(2) Izvršilac se obavezuje da će preduzeti sve neophodne radnje koje su vezane, za instalaciju i puštanje u rad robe koja je predmet Ugovora.

(3) Mjesto isporuke roba: sjedište Ugovornog organa, ul. Dr. Mustafe Pintola 1/III u J.U. Zavod za javno zdravstvo Kantona Sarajevo.

Član 7.

(1) Izvršilac se obavezuje da će isporuku robe koja je predmet Ugovora izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

(2) Ugovorni organ je dužan dostaviti pismeno obavještenje o svakom navodnom propustu Izvršioca po Ugovoru.

(3) Ugovorni organ će utvrditi razuman rok za ispravku propusta u smislu izvršene nabavke i isporuke.

Član 8.

Izvršiocu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u

svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

Član 10.

- (1) Roba utvrđena ovim Ugovorom mora biti u skladu sa tenderskom dokumentacijom i zahtjevima Ugovornog organa.
- (2) Ugovorni organ ima pravo stručnog kontroliranja kvaliteta isporučene robe, a Izvršilac je u obavezi kontrolu omogućiti.
- (3) Izvršilac se obavezuje da će prilikom primopredaje roba iz člana 1. ovog Ugovora, Ugovornom organu predati garantne listove za ponuđenu robu iz tehničke specifikacije.
- (4) Za isporučenu robu važi garancije proizvođača robe, s tim što je Prodavac dužan da svu dokumentaciju o garancijama proizvođača robe, pribavi i preda Ugovornom organu, zajedno sa uputstvima za njihovu upotrebu.
- (5) Garantni rok teče od dana kompletne isporuke robe.

Član 11.

Ponuda Izvršioca br. 290519/MC001-T od 29.05.2019. godine, na temelju koje je sačinjen ovaj Ugovor, čini sastavni dio istog.

Član 12.

- (1) Ovaj Ugovor stupa na snagu danom njegovog potpisivanja od strane ovlaštenih predstavnika Ugovornih strana i isti će se primjenjivati do izvršenja svih pojedinačnih obaveza predviđenim ovim Ugovorom.
- (2) U slučaju eventualnih primjedbi Ugovornog organa na kvalitet robe, Ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.
- (3) Odredbe ovog Ugovora ne mogu se mijenjati nakon njegovog zaključenja.

IV UGOVORNE KAZNE I NAKNADA ŠTETE

Član 13.

- (1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.
- (2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti.
- (3) Ukoliko Izvršilac na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Izvršioca ustupi posao drugom Izvršiocu sa pravom naknade troškova uvođenja novog Izvršioca kao i pravo na naknadu mogućeg nastanka štete zbog neispunjenja ugovorne obaveze.

V ZAVRŠNE ODREDBE

Član 14.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 15.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 16.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.

Član 17.

Ovaj Ugovor stupa na snagu danom potpisivanja obje ugovorne strane.

Član 18.

Ovaj Ugovor je sačinjen u 4 (četiri) istovjetna primjerka,, od čega svaka ugovorna strana zadržava po 2 (dva) primjerka.

„FIXIT“ d.o.o.
SARAJEVO
DIREKTOR



FIXIT d.o.o. Sarajevo




(Damjan Bandić)

Broj: 5911 /19
Sarajevo, 17.06.2019 godine.

J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA




Prof.dr. med.sci. Aida Pilav
Broj: 05.12.100-3571-Ugovor/19
Sarajevo, 17.06.2019. godine.